

so haben wir ja freylich den Leib vnd Blut Christi (was die substanz vnd wesen derselben anlanget) ganz vnd gar nicht gegenwertig/so wenig als Christi Leib vnd Blut in jrer substanz vnd Wesen dem Abraham gegenwertig war/als welcher Leib Christi damals noch nicht in rerum natura vñ in aller Welt nicht gewesen/weder empfangen noch geboren.

Wann demnach die Calvinisten fürgeben/ Sie verleugnen die Gegenwart des Leibs vnd Bluts Christi im H. Abendmal mit nichten/so mustu lieber Leser kauderwelches Latein lernen/vnd wol mercken/was sie vnter diesen Reden für einen heimlichen verstand arglistig verbergen vnd verschlagen/welcher daher abzunemen/ daß wenn du einen redlichen Calvinisten fragest/ ob der ware wesentliche Leib vnd das ware wesentliche Blut Christi im H. Abendmal hie auff Erden/ bey Brot vnd Wein gegenwertig sey/ antwortet er stracks Nein/ vnd weist dich hinauff in Himmell/ daß Christi Leib nach seiner Auferstehung sich hinaesetzt habe/Allda/vnd nicht im Nachtmal seye er zu suchen/oder zu finden/ Hergegen aber könnest du seine Gutthaten/durch den Glauben/der sich hinauff in Himmell schwinget/ mit vnd bey empfangung

phabung